

潮州先賢像傳

劉奇詒題



香港潮州商會印行 甲戌春

潮州先賢像傳

潮州先賢像傳

印行者：香港潮州商會第三十八屆會董會

會長：劉奇喆

副會長：唐學元 葉慶忠 周厚澄 陳偉南

常務會董：許偉 林輝耀 莊學山 楊明東 蔡衍濤
林炳祺 馬照祥 莊德茂 林孝信

總編輯：郭偉川

編輯：林楓林

承印：特威印務有限公司

地址：香港鰂魚涌英皇道一零六五號東達中心一五零五室
電話：八一一九八三二 傳真：八一一四四一六

潮州先賢像傳

楊次笙造像

舊序

饒宗頤

一頁

唐

大顛禪師

二—三頁

宋

許郎中申

四—五頁

盧中舍侗

六—七頁

吳高士復古

八—九頁

劉知州允

十—十一頁

劉龍圖昉

十二—十三頁

王尚書大寶

十四—十五頁

陳樞密肅

十六—十七頁

郭賢母貞順

十八—十九頁

明

吳按察一貫

二十—二十一頁

薛大行侃

二十二—二十三頁

薛給諫宗鎧

二十四—二十五頁

翁襄敏萬達

二十六—二十七頁

林太史大欽

二十八—二十九頁

劉布政子興

三十—三十一頁

林提學大春

三十二—三十三頁

周大理光鎬

三十四—三十五頁

唐郎中伯元

三十六—三十七頁

黃尚書錦

三十八—三十九頁

黃尚書奇遇

四十—四十一頁

郭忠節之奇

四十二—四十三頁

辜太常朝薦

四十四—四十五頁

梁巡道應龍

四十六—四十七頁

許郎中國佐

四十八—四十九頁

跋	郭偉川		六十六頁
附名	郭傳		六十五頁
	援右		六十四頁
	據丞		六十三頁
	曾習		六十二頁
	何經		六十一頁
	方詹		六十頁
	提督		五十九頁
	方提		五十八頁
	巡撫		五十七頁
	丁勤		五十六頁
	鄭恪		五十五頁
	余侍		五十四頁
	講大		五十三頁
	志貞		五十二頁
	陳令		五十一頁
清	縣衍		五十頁

舊序 饒宗頤

亭林有言，士之求友也，或一方不可得，則求之數千里之外；今人不可得，則慨想於千載以上之人。昔之撰次氏姓，記其言行，爲尚友錄音，其用意與此相仿。夫數千里之外，苟志意相契，追思懷慕，往往聲應而氣求。況夫釣遊之地，桑梓之鄉，前賢聲光之所屆，耆老提命之所被，其感召奮發，更何如耶。至於千載以上之人，邈焉莫及，仰止高風，徒深遐慕。故或圖其遺像，懸諸座隅，髣髴旁皇，時若或見。庶幾如日月之麗天，瞻仰而不墜。詩云：雖不能至，心嚮往之。其尚友之意，不尤深且遠乎。地方名賢之有像傳，以張勝桂陽先賢畫讚爲最先。近日番禺葉氏、貴陽凌氏，或摹有清學者，或圖黔中人物，以像合傳，流布海內，扇揚芳烈，識者多之。予曩竊有志於此。民國三十一年，避地揭陽，以語邑宰陳暑木，訪諸故家，得鄉賢遺像二十餘幀。維時寇氛壓境，兵火倉皇，董理無暇。未幾，予走桂林，茲事遂廢。今年春，汕市民教館長吳長坡，倡爲先賢遺像展覽之議。兵燹之餘，故家藏像，諸多散佚。吳君展轉搜求，奪之蠹簡叢殘中，得七十餘像，發其光華，以爲普及之教，其用心可謂微矣。會之日，士女爭觀者，肩踵相接，浹旬不休。吳君感羣情之嚮往，念徵集之艱難，爰議先就像中遴其中若干刊爲像傳，以垂久遠，而以其事謀諸潮州修志館。時余謬董館政，聞之躍然，喜宿願之獲踐也。用爲繫以傳略，溽暑鍵戶，斟酌羣書，汰繁正訛，閱月而功畢。吾州之學，啟自趙德，惜圖像無存，故茲從闕。是編以年代先後爲次，自唐大顛禪師至清曾右丞剛甫，凡三十人，并綴各傳援據書目於卷末，備參稽焉。曾怪近世教民之法，略近而詳遠，侈陳九州之博大，父母之邦，反漠焉若不足以措意。思故之情不發，懷舊之意未紓，數典忘祖，學者所爲深屏營也。是書之刊，俾吾州前代巨人長德，於此一帙中，得以朝夕親炙。申仰止之誠，償尚友之志，啟愛鄉之心，長思齊之念，隨在皆足發人深省。百世之下，倘有聞風而興起者乎。是爲序。民國三十六年九月。潮安饒宗頤撰。

唐
大顓禪師像



大顛禪師

大顛禪師，俗姓陳，諱寶通，或曰楊姓。先世潁川人。開元末，產於潮。生而神異，貌古骨清，幼歲心遠塵俗，志慕雲林。大曆中，與藥山惟儼同事惠照於西山。惠照者，傳燈錄謂之神照，爲懷讓禪師法嗣。既剃染受戒，已，復之南岳，參石頭希遷禪師。石頭爲行思高弟，行思者，與懷讓同出六祖嫡傳，故神照與石頭同爲六祖再傳弟子。師初參石頭，問：除言語外，何者是心？石頭曰：除却揚眉瞬目將心來。師曰：無心可將來？石頭曰：原來有心，何言無心，無心盡同謗。師大解悟。異日，石頭問：何者是禪？師曰：揚眉瞬目。石頭曰：除却揚眉瞬目外，將汝本來面目呈看。師曰：請和尚除却揚眉瞬目外鑒。石頭曰：我除竟。師曰：將呈了也。石頭曰：汝既將呈，我心如何。師曰：不異。石頭曰：不關汝事。師曰：本無物。石頭曰：汝亦無物。師曰：既無物，即真物。石頭曰：真物不可得，汝心見量意旨如此，大須護持。自是機辯無滯，及歸羅浮瀑布巖，寂然晏坐終日。貞元五年，移潮陽，領門人善覺玄應智高等，闢白牛巖，斬伐榛莽，築庵以居。七年，置院曰靈山，學者四集，傳法至千餘人。上堂曰：夫學道人須識自家本心，將心相示，方可見道。此心即佛，不待修治，何以故，應機隨照，冷冷自用，窮其用處，了不可得，喚作妙用，乃是本心，以此垂教，自號大顛和尚。元和十四年，韓愈刺潮，與師語，稱其能外形骸以理自勝，及祭神海上，遂造其廬。愈問：如何是道，師不之答，良久，待者三平，擊禪床云：先以定動，後以智拔。愈異焉。會移袁州，留衣爲別。長慶四年圓寂，年九十三。著有《心經釋義》。刊《日本續藏經》中。又自寫《金剛經》千五百卷，《法華維摩經》各三十部。師與惟儼同事石頭，密證心法，其後愈弟子李翱從惟儼遊，著復性書，頓了本心。開宋人性學之路，論者謂由師啟迪云。

許郎中申公像^宗



許郎中申

許申，字維之。先世自泉州遷潮，居郡城韓山麓，遂爲海陽人。咸平中，陳堯佐通判潮州，申以布衣見，與語，奇之。大中祥符初，舉賢良。天子東封，申獻賦，擢第一，授將仕郎，秘書省校書郎，出知鄴縣。天禧初，遷韶州，修張九齡廟。又移吉柳建三州，遷廣西提點刑獄。景祐二年，以度支判官工部郎中出爲江南東路轉運使。申在三司，建議以藥化銅雜鑄錢，銅三鐵六，費省而利厚。乃用其法，鑄於京師。旋徙湖南，復任廣東轉運使，仕終刑部郎中。申爲人，姿宇軒特，識見通敏，爲文淵洽溫潤，切劘端正，根于所養。著有《高陽集》。子因，太子中舍。孫三人，聞誨、衛尉寺丞；聞義、賓州知州；聞一、皇祐元年進士。曾孫珏，尚太宗曾孫女德安縣主，累官至廣南西路兵馬都監。

盧中舍公像



盧中舍侗

盧侗，字元伯，海陽人。行實樸茂，以孝行爲鄉里推重。嘉祐中，以余靖蔡襄薦，除惠州歸善主簿，復佐靖于廣州帥府，授國子監直講，中書劄校定荀楊書，侗爲校勘官。新法議起，侗言其不便，出知柳循二州，以太子中舍致仕。曾結廬讀書西湖山。邃于易學，自爲訓釋，日與諸生相討論。釋契嵩亟稱之，謂爲有道者。孫順之，紹熙四年進士，肇慶軍節度推官，以好學篤行顯。

吳高士復古公像



吳高士復古

吳復古，字子野，揭陽蓬州人（今隸澄海）。父宗統官侍講。與蘇軾爲友。復古少任俠，樂道，侍制李師中見而稱曰，白雲在天，引領何及。熙寧二年，李天章爲登州守，復古往從游，得島中十二石載歸，置所居歲寒堂下，東坡爲之記。元豐中，游京師，遇藍喬，於道術益通悟，相從湖海六年。歸告妻子曰：「黃卷塵中非我業，白雲深處是吾家。」築庵于潮陽直浦都麻田山，東坡榜曰「遠遊」，且爲銘。曾絕粒不睡，間出游四方，徧交公卿，然一無所求也。蘇軾兄弟皆傾下之。紹聖三年，至惠州，與軾論出世間法，軾爲作問養生一首，發所論安和之義。既別軾南歸，居憂廬墓三年。後軾南遷，過真揚，見復古，無一語及得喪休戚事，獨謂軾曰，邯鄲之夢，猶足以破妄而歸真，子今目見而身履之，亦可以少悟矣。旋同游羅浮，過循州，見轍。及軾遷儋州，復古又與俱。軾遇赦還，復古追至清遠峽。會道病，却肥甘，屏藥餌，唯終日默坐。妻子追及，問後事，笑麾之，脩然而逝。葬於麻田山。子芘仲，通敏有父風。曾作《歸鳳賦》、《諸子論》，見重于東坡云。

宋 劉知州允公像



劉知州允

劉允，字厚中，海陽東津人。紹聖四年進士。初任循州戶曹，剗革官倉宿弊。時州守重疲兵卒，衆譁聚謀變，允諭解之。改知程鄉，值大旱，州督租如故，允力爭，會使者廉訪，當具豐歉狀入奏，遂以實聞，得免租。權知化州，州濱海，歲市玳瑁翠羽，所費萬計，允悉罷之。吳川鹽戶以蓄戎器坐盜，獄成，允辨其誣，全活五十餘人。政和乙未，知桂州，後除新循二州，皆不赴。卒于家。舊例民歲輸軍衣布，折納錢三百，官市至千有二百。允知程鄉時，漕使檄所部令民折納，如官市之值，允堅不受。曰：「使者怒，不過逐令耳。其勁直愛民如此。」允胸臆夷曠，博極羣書，所著文二百餘篇，夙好韓文。大觀初，嘗集京浙閩蜀刊本及趙德舊本，參以石刻，訂正刊行，爲潮本宋槧韓集之始。子昉，潭州知州；景，知台南雄二州。孫浯渭汶滋濟瀚澤洛潢涇并以儒業顯，繩繩繼繼，足稱世家。

宋 劉龍圖昉公像

